

讀

任先生語正

先父幹夫生活紀要
齋生署

上海图书馆藏书



A541 212 0012 0547B

先兄幹夫生活紀要



標題說明

是篇寫竟，爲家中人講述，無不了處。第覺標題『行誼述略』

不甚顯豁，齊生曰：『然則「生活史紀要」如何？』皆曰：『去「史」

「用」生活紀要，「便」議遂定。昔日人福澤諭吉爲文，每成篇，必

誦給其家人聽，期能了解而後已。齊生茲篇，雖用文言，力避晦澀，意

亦取此，非故與舊習立異也。

提前語

一、是篇名述略，蓋僅就齊生記憶及感念所及，吾兄一生行誼，關於教育實業遠在二十年前者，其資料大多存在貴陽，後此農商部服務及辦理諸慈善事業資料，則又散在北平，搜集整理，尙待異日。

二、是篇雖屬齊生一人私言，而下筆特加慎重。竊謂吾兄能否在中國新文化抑新教育運動上佔一位置，所不敢言；吾兄之在貴州新文化抑新教育運動史上必有重要之位置，則所敢言，故不敢稍作過分語以誣吾兄，以誣史實，此則所最兢兢者。

三、齊生嘗感任何個人之能有所成就，必有其周遭之原因與條件。故必有鮑叔召忽隰朋一般人而後有管仲；必有司馬徽徐元直黃承彥崔州平一般人

而後有諸葛孔明。先兄成就僅如此；然在當時師友間切磋砥礪之風，在今已屬少見，是以齊生於此等處，特加注重。

四、爲『無徵不信』之義，齊生就可能，搜得像片及畫片多幅以插入，就中如亡友蔡君衡武片，係電請好友潘君一塵從廣西飛機寄到者；蓋以蔡君非惟於吾兄事業關係至重大，即君在清季與民國初元間，舉凡貴州政治經濟文化，幾無不與君有重大之關係。君逝去已十年，未有以表彰者，齊生實深負咎，今之所以如此，識者當諒其爲非阿好也。

五、篇中敘述年月，或不免小有出入，如經世學堂開創之年，猶幸老友周銘久君得相質證，至於家庭情況，則喜有吾姊健在，得資請問。

六、爲欲此篇稍帶永久性，故不與訃文合併。憶昔年宗兄任之先生嘗屬齊生草貴州之新教育，及貴州二十年來政治狀況各一篇，以載諸人文月刊，今此

敘述，自信可以供參攷，補不逮。

七、齊生向不甚注意文字記載及宣傳，尤感於『好話說盡，壞事做盡』之言，自以爲即應記載，且待六十不死，然後取身所經驗，筆之以告來者，不爲遲也。今兄六十有五，一旦物化，齊生所數請自編之年譜，究止雛形，是以齊生對於今次感觸，非常激切，而深有望夫國中良史家之及早出現。

八、此篇若使有值得史家認爲資料之一種者，齊生將請求關心黔中文化親友，注意搜集，固不必限於先兄也。

九、先兄之喪，有以從新禮舊禮爲言者，齊生以爲禮無新舊，惟其宜而已。先兄諸子皆成立，照舊禮，應由長子出名，負重責；又長子死者，則有承重孫；於女則摒棄，於媳不列名。今悉酌情準理，逕由齊生率之以從事。緣我弟兄雖不主張大家庭，然亦從未嘗分過家。吾弟兄既不治產，更無所謂遺產可爭，此則差堪告慰。

于關懷諸親友。

十、更有以喪葬費下問者——自先父之喪，時當家計貧困，極其簡約；先母之喪，家計正當優裕，時亦未敢涉侈；今兄喪仍極從儉，親友鼎惠，恕不敢當。至如知友嚴君仁珊擬爲兄印五百羅漢像及諸畫冊，又孫君孝寬擬邀昔年同學對吾兄作一種紀念，是則所應銘感不忘者。

十一、古者居喪守制，不出任事，以爲孝道宜然。在今社會，斷不許可。齊生與姪輩各有任務，均各請假一月以治喪，中間齊生以道途往返，及此行述付印，佔去時間爲多。不然，亦不應如是。蓋吾父吾兄均認努力爲社會盡職爲孝，不以不事事爲孝也。

十二、原擬將吾甥所作舅父壽序及母校回憶錄與兄絕筆信三件付印，因篇幅多，近繁重，旋抽去。第附錄兄文一篇，七古一篇，爲哀悼先吾兄逝世數日之

恩師而發。五律九首，則爲故鄉親友作紀念。成兄志也。

十三、齊生頻年在外，奔馳無定，於故鄉親友住所，多不詳知，卽南北知好，亦甚疏略。故訃告掛漏極多，惟有懇求格外鑒原。賜教在十日內，請交鎮江水陸寺巷五號。十日後，請交廣西南寧國民基礎教育研究院本人收，或上海仁記路歐亞航空公司黃受驤轉。均所盼禱。

齊生 二四，二二八。



黃 幹 夫 先 生 遺 像

(時 於 十 六 年 拍 於 瀋 陽)

廿年十月二日
 時在...
 佛畫夫幹

吾兄...
 夫...
 類...
 衣披百衲杖扶一...
 橫胸阿利...
 非...
 氏...
 元...
 年...
 年...
 天...
 黃...
 祿...
 矣



佛 畫 夫 幹



耕雲峯前雲河黃山勝景三也
 民國廿三年甲戌夏黃嶽大柱流上

幹先遊世淑十日檢行繪得此幅

子受駭水雲

志士尚

水 山 夫 幹



母之生先夫幹



像山焦遊人家與生先夫幹



幹夫人物

學戒定慧自覺覺他 覺行圓滿果證佛陀

仁珊專兄長者與吾 師幹夫先生均深禪理 幹師尤
 善繪佛圖 仁長因以五百尊者像為請 幹師欣然從
 事一度寒暑而弘力大願兩證圓成 仁長今以此頁囑
 顯守於佛學素無深悟曷敢當此惟於 幹師 仁長德
 行有足敬者在爰書十六字於 聞聲得果尊者之後謂
 為贊 尊者可謂為壽 幹師 仁長亦可
 民國癸酉冬至前九日 包宇於京口謹誌



行

述

先兄幹夫行述

先兄名祿貞，字幹夫，一字伯廉，西曆一千八百七十一年，即前清同治十年九月四日，生於貴州之安順。是時吾父年四十，母年三十，舉吾兄於大亂初平，喪亡甫定之際，喜爲非常幸運焉。

吾家祖籍江西，其播遷入黔，至吾父凡五世，隸下游甕安縣治，鄉居務農。咸同之交，黔中徧地匪患，燒殺無虛日，吾父攜兩叔及前母張氏輾轉逃徙，販鹽爲生，往來大定安順間。張氏母病歿，大定之六廣河，遺大姊厚貞，託同出逃亡。日陳媪者撫育，姊身滿瘡癩，吾父憂之。時吾生母彭孀居，針黹以養姑，姑老病，自亦病，舅勸再適，拒不忍，旣而遺孤夭逝，姑又益老，母慨然曰：『有能養吾姑者，吾從之。』吾父聞而義之，遂歸吾父，生吾兄及二姊與齊生。兄嬰兒時多病，發寒熱，母苦

之，求神許愿無不至。童年而後，體日加健，較諸齊生體量，不止加倍也。

吾父不識字，性剛勁果決，與家人語，自稱『老子』。嘗曰：『老子不識這幾個字，一生吃虧上當不少！大兒子拿去讀書，小兒子拿去學生意！』吾母則寄意于兒歌——『一張白紙飛過街，那個讀書那個乖；人人讀書想官做，丟下秧苗那個栽！』是又吾母所不斷口授于我兄弟姊妹者；吾兄之植基於家庭教育，實由於此。

兄少時所受益之師友，則有舅外祖王公紫霑，表舅父王公星門，陳師鳴岐，表兄王君海帆，大姊丈林君庶興，嫂兄汪君兆熊。紫霑公爲吾母母舅，鍾愛吾母，因及吾兄，兄名與字，公所錫也。公善琴笛歌唱，喜說古今文史，於忠義節烈處，尤津津。兄性拘，口鈍，每以爲苦，得公誘導，日以發皇。厥後從學表兄彭雨生師，爲吾母內姪，信奉天主教，因得從教士輩借取格致天算諸圖籍，愛好玩索，至忘寢

丁巳十月同人侍嚴門先生攝影




(一) 夫幹 (二) 唐君慈慰 (故已) (三) 徐君之尚 (四) 周君銘久 (五) 張君蓮仙 (六) 孫君敬之 (七) 雷君玉峯 (故已)

食性復耽畫，兒時覩吾母作衣履花樣，戲效之，稍長，坐臥牆壁間，輒繪狗馬魚龍，劍戟花鳥，日月星辰，狀以爲樂。吾父呵之不止，當吼聲若雷時，母故作反語曰：『汝胡不學東家兒街頭浪蕩，猜拳打馬，顧何苦討而父罵乎？』父無以難也，卒聽之。

清光緒二十二年，天津嚴範孫先生督學黔中，攷選高材生四十名，肄業於其開創之經世學堂——是爲貴州新教育之嚆矢——兄以算學及物理中選，月領膏火銀四兩。時吾父衰老，家計日艱，齊生學爲商，收入又至微薄，以故兄所得膏火，僅持半數自給，半數寄作家用。光緒二十四年三月，父病甚，兄自貴陽趕歸，父怒：『奈何廢學！』促速返，然不五日，病卒不起。臨終囑：『勿輕聽婦言，弟兄參商！』又命：『葬期不得過三日，葬後，速去勿留！』吾兄學於經世，凡六年，中間未嘗有所荒棄，遵父教也。

嚴範孫先生之解職離黔也，恰當戊戌政變而後，於時士氣爲之銷沈。有蔡君衡武起而振之，師事綏陽雷玉峯先生，聯絡當時各派知名之士，謀所以策進黔中文化者；而于吾兄爲最莫逆。蔡君家舊營綢布業，因邀鍾君山玉與吾兄入夥；及覩齊生與兄所爲通訊，馳書要約，勸令參加。未幾，兄卸職去，籌辦所謂算學館，集同志數十人，專從事於算數物理之研究，而吾兄爲之師。——今滬上名醫孫君孝寬，商務印書館編輯，數理學家周君昌壽，前交通部次長李君仲公，皆當時館中未冠學子也。——由今思之，當時設備之簡陋，條目之粗疏，寧不可笑！獨其一種相互切磋之精神，一往無前之勇氣，求之今日，似未易見有過之者。

就算學館爲基礎，進而聯絡其他同志，以發起一會曰達德書會，由達德書會創辦一私立學校，曰達德學校。（初時名民立小學堂，後改達德學堂，入民國始稱達德學校。）斯會與斯校經過歷史，有吾甥運笙所作幹夫舅父壽序，及母



蔡君衡武遺像

君名嶽，字衡武，生而有大氣魄，年二十，侍綏陽雷玉峯先生講學興義，劉公統之一見驚禮，待若子姪，後此劉氏昆仲握有貴州政權，君規畫贊助之力獨多，惜不如志！爲圖工業經濟發展，竟死海上，恰年五十，時民國十四年春也。

校回憶錄敘述至詳切。夫以貴州號稱貧瘠之區，前清之末，全省教育經費，不過十萬兩，入民國增數亦有限，即今全省僅僅三十萬元，尚不逮江蘇之一大縣，且又時時欠發，其猶有教育之可言者，賴有貴陽數私立學校相與撐拄於其間。達德學校者，私立學校之一；初起學生十餘人，三年而後，男女五百人，以爲常，近數年間，增至千餘人；由小學而師範，而初高中，其在初起之第一年，任職於斯校者，全年得酬鞋子一雙，其第二年得酬衣服一套。兄任校長凡四年，凌君秋鶚繼之——凌君者，算學館中最勤劬之一學友，達德書會最努力之一會員，而達德學校三十二年來始終繼續不懈之一導師也。齊生之任校長，事在民國二三年，校長月薪亦僅十二元；其在齊生後繼任校長爲聶君守微，且并此區區者移作幫助貧苦同事之資——君係本校第一期畢業生，學行爲全校冠。其長兄春伯，二兄鳳嘉，三兄竹書，皆本校最有力之維持人，而君兄鳳嘉以長於文學，與吾兄之

長於數理，其在校中，有相濟之美，帝制之役，鳳嘉君爲黔討袁軍總司令部秘書長，以功任東川道尹，旋轉西川道尹，故能令君專心校務，無內顧憂——此可想見邊省教育創始與發展之不易，而吾兄之苦心樹範於同人，爲何如者！

事有足資相濟者：吾兄嘗言：『吾人盡力於社會，自然享受社會之酬報，初不必計較其爲彼爲此，爲先爲後也。』清光緒乙巳秋，黔巡撫林公贊虞，遣派多士，赴日本攷察教育，兼事學習，吾兄與焉。逾年歸，任提學使署學務公所實業科科長，兼中學師範物理教授，達德校事，悉以委之齊生，如有年，而辛亥革命以起。

辛亥革命之前，黔有兩黨：曰自治黨（領袖鍾君山玉），曰憲政黨（領袖任君志清）。兩黨初起，富朝氣，敢作爲，及其局勢擴張，分子複雜，寢乃爭意氣，成水火，而我兄弟暨蔡君衡武爲之奔走調解於其間，人或以中立黨目之。革命事



像遺嘉鳳君聶

送開一之成都

聶鳳嘉

阿買於君兩載隨，秋風臨別重依依，非關督責嘗勤學，爲染風
騷漸解詩，薄俗端倪須脚立穩，克家莫把素心移，老夫此後逢文
讌，欲寫分書更憶兒。

報我年來事幾端，而翁聽到儻開顏，直嘗忤世亦招譽，綠縱縻
身未戀官，秘笈有緣貧可購，新得宋板吉金因好聚非難，又得衛進
功更是新詩卷，風格冲和勝往年。柳河東集

齊生案：鳳嘉君名正瑞，家本四川，父靜安先生，宦黔，生長黔中。少年時
詩有：『賢子成名憑媚骨，乃公抵死不低頭』之句，齊生嘗笑之，右詩爲君二
十年前舊作，民十九年夏，嘗與君游玄武湖，爲誦及之，君大驚喜，許我記
憶力強，有一二字錯誤，君爲改正。今君下世，亦既五年，君眞能實踐所言
者，因兄聯想，不禁泫然。

定，唐繼堯主黔政；當是時，政象號清明，法令趨統一，吾兄任實業司司長，所辦如勸工局、農事試驗場、女工講習所、省會公園、商品陳列所之類，然僅限於貴陽，事關全省計劃，以種種阻礙，難于遽行。唐既返滇，卒遭排擠，直到去職而後已。

吾兄之自日本考察歸，深感職業教育之重要，勸工局本屬職業學校性質，以避免與教育司衝突，故用斯名。所招收學生，程度為高小畢業，與今之初中程度等。內分金工、木工、陶工、織工等科，就中織工成績最優，推行較廣。陶工則在吾兄卸任後，與數友人組合，繼續試辦于距城五十里之青岩鄉間，雖為期僅數月，以自能繪畫故，造作諸花樣，破除陳式舊套，黔中之有新式窯業，實又吾兄啓之也。

民國三年秋，就任貴州下游鑛務總辦，時下游匪風不靖，慮難着手，值彭君公武與同城，一見傾心，——彭君者，郎岱人，學於雲南講武學校，受知蔡公松坡，

大有功績于辛亥之役者；由川返黔，授團長職，駐軍銅仁。——於吾兄規劃，多所贊助，期年之間，東路大通，硃砂水銀錒鑛之開採，數倍往昔，而銷路亦特旺。經吾兄手訂開採計劃及與西商訂定購買規約，凡若干事，方自幸以爲平生快意之舉，無過乎此。萬不料袁氏稱帝，一聲霹靂，百舉俱廢。

袁軍進至湖南之晃州，銅仁於晃州爲鄰近，壓迫日急，消息日惡，黔當局太半持觀望——黔學界首先拍電反對帝制者，齊生與凌君秋鶚，聶君守微，實爲之倡。軍政界則戴君循若，與王君伯羣，王君電輪，昆仲爲最堅決，溝通其間者，蔡君衡武爲最有力。其時軍政首領爲劉如周（顯世），秘書長熊鐵崖（範輿），財政廳長張協陸（壽齡）——彭數請命，久不得報，就商吾兄；兄出我所寄梁任公先生異哉所謂國體問題者一文以示，彭志遂決。戰端既啓，吾兄因離銅仁轉貴陽。迨袁氏憤恚死，貴州所謂實業，所謂教育，所謂種種種種，遂亦與之俱死。貴



彭君公武遺像

君名文治，字公武。辛亥討袁兩役，余既於吾兄行述中略及其經過。君爲秀才時，好打不平，避難入雲南講武。性耽文史，師事關中老儒張龍門先生，終身敬禮無怠容，熟西南掌故。宗兄堯承修安順志書邀請參加，不期爲奸人所害，說者以君天性高抗，疾惡如讎，有以致之。年與吾兄相若，於兄爲兒女親家，死難約在兄逝世前兩月。

州之成爲煙世界，匪世界，關鍵在是。故論袁氏罪惡，人盡知之；孰謂吾兄出處進退事業廢興之受影響于斯人者，如是其重且鉅哉！

吾兄既已不得志於貴州，而二三在位之自以爲功者，又復盡其構陷迫逐之能事。民國六年春，率次子仲博、熊堦、銘青，門人何君玉書、龍君志澄，栖皇遠走。仲博留滬，三人者赴日本，兄則隻身赴北平。段氏執政，除授貴州實業廳廳長。黔在位者，復拒不納，因留北平，權就農商部服務。


黔局益亂，舉家遷出。民國八年五月七日，齊生歸自日本，組織貴州教育實業參觀團；其至北平，從遊西山，極一時同門讌集之盛。值杜威博士於斯講學，胡君適之爲之紹介，攝影以爲紀念焉。迨民十一年，大姪女及周堦憲章相繼死，吾嫂又云亡，諸姪未成立，齊生時又遠在歐州，身世之艱已極；摯好中可得而解慰者，則有周君銘久、宗兄堯承、胡君肇周，而昔年經世同學姚君茫父關愛亦殊切。

兄年五十，執筆變而畫法亦一變者，所受姚君影響爲多。齊生嘗笑謂兄：『非故鄉在位諸公陵逼之賜，那得有此？』兄亦不禁解頤。

居北平久，既不願投身政黨，作違心之活動，而一切活動，又非有憑藉不可。不得已，混迹僧道間，作諸慈善事業，所志在於貧苦兒童之救濟。（齊生初疑兄以富于科學素養之身，胡爲加入反科學團體，嘗馳書切諫，及至北平目擊諸兒童狀，乃始釋然。）民十七年夏，齊生就事漢臯，所入稍裕，電請兄率兒輩南下，至是多閱覽新出書報，與齊生日夕辯論，思想畫一新時代。


十八年秋，二姪婿自美洲歸，就東北大學教授，迎居瀋陽歲餘，足跡既廣，工力亦日進。九一八前，瀋陽風聲日緊，因復南歸，自後徜徉江浙間，中間嘗與吾友朱君亞強謀新建設於餘杭之履三村，卒以時方多故，難達所志，前年始決居鎮江，爲諸孫皆就學於是故也。

杜斌士與貴州教育實業參觀團談話紀念年刊





班一之業事會社辦所平北在生先夫幹



幹夫在瀋陽東大北學堯承弟暨熊塔銘青次女淑棻留影

吾兄一生事業止於此。顧名思義，兄名以貞，貞不絕俗，厥字爲幹，幹不居功，抑又字廉，廉不傲世，此其間能無稍過？——於當世諸名公雖或舊好，抑屬新知，未嘗輕投一刺，通一訊，齊生嘗請之曰：『吾短于言辭，絀于肆應，不如其藏拙也。』於畫不標潤例，不開畫展，戚友或勸之曰：『吾以是結方便緣，非以求售也。』與齊生性情嗜好不皆同，獨於買書無間然。憶兄爲秀才時，家所有值錢書，僅祇康熙字典一部耳，作官十年，疊架盈箱，母怪不知治產而置書，齊生解曰：『此其所以爲產也。』兄則大樂。兄之不能已於還鄉之念，書其一端。加之夙願未了，用世之心不盡無，乃觀察既久，不惟自身不更作歸計，且諄勸齊生勿輕有所舉動，讀吾兄最後絕筆書，所爲懸懸於我者，其於故鄉隱痛，蓋亦深矣！

兄於文史不甚好，獨佛籍嘗手抄不倦。偶一作詩，不輕示人，亦不樂存稿。頃搜遺篋，得朱君亞強爲鈔存詩文若干篇，及自手錄夢溪吟社唱和若干首——

夢溪吟社者，吾兄與雲企韓，楊艮齋，胡克之諸公所倡立，社員十四人，年皆六十以上，嘗因宴集，諸公推兄繪爲長卷，各有題詠，而兄獨成七古三篇，氣勢瀟灑，爲他時所少見，卷藏鎮城東南隅萬松岡興隆庵中，事在去年舊歷中秋後六日。嗚呼！孰謂時不半年，化爲陳迹，吟社諸公，其能已於俯仰今昔之慟耶？

自吾嫂氏之喪，（嫂氏汪，名繼貞，終其身不畜婢，丈夫兒子衣服，身自澣洗，未嘗以丈夫得官失官爲榮辱，其德性如此。）嘗一度納妾，已而察其不能耐清苦，資遣去，自後不復更娶。嫂生五男三女；長男鶴齡，次男仲博，及長女瓊棻，皆已不在。幼所教養，愛逾所生之甥，曰運笙者，遠在塞外，姪女素棻，內姪汪生汝衡，婦景玉，外孫女曉蓉，兄所注念，皆遠在貴陽。送終者：次女淑棻，（兄病時，媳永棻適臨蓐，餘人在外未及至，淑服事醫藥，備極勞瘁。）三女亭棻，三男可莊，（供職國民政府主計處）媳永棻，五男受驤，（服務歐亞航空公司）媳影梅，外孫女慧

君及壻韋生幼韓，暨吾姊固貞，吾妻守瑜，敬慎將事，又得賢居，停陳公子祥，門人易君智澄，女弟子蕭開學女士，助爲布畫，暫寄柩于鎮江南關之鶴林寺。

惟時齊生遠在廣西之邕寧，服務廣西普及國民基礎教育研究院，接病急電，趕到鎮江，則已無及；而熊壻銘青（湖南大學教授）在湖南，四男英崙（廣西國民基礎教育研究院研究幹事）在廣州，甥女若棻及聶壻開一（中國航空公司監察兼機航組副主任）與甥婦韻琴暨諸至好同門學友在上海，姻姪蔡生之任則來自新疆，先後奔集，共謀所以安窀穸，承先志者。孫男女六，外孫男女七，其半在膝下。次孫之生，與兄同月日，而兄又與吾父同月日，齊生嘗有聯云：「父子祖孫同日月，山川花鳥見精神。」將以紀慶也。嗚呼！今又成古話矣！

兄爲我年過三十，有女而無子，以次男仲博予我，旣仲博夭逝日本（年十七）而我妻所生子曰壽光者又死去（年十歲）兄復以第五男曰受驤者爲

齊生後。齊生向反對孟軻氏『無後不孝』之論，謂二千年來爭納妾爭過繼之惡風，孟氏不能辭其咎，雖兄有命，不敢承也；然亦不忍過拂兄意。驥既成立，兄數以其婚事爲言，齊生爲謀再三，皆非所願；已而自行提議，願與家中『使女』曰影梅者成婚，舉家爲之駭笑。時兄在浙江，齊生在河北，驥在上海，而此女在鎮江，互商結果，全由二人自身作主。（驥信有『梅於我家，勞苦功高』之句，蓋女年十一二，卽來我家，亦旣八年，吾家自吾母不主畜婢，是以未嘗以婢目之。）及至結婚之日，齊生適有內蒙之行，而兄在蕭山，爲書聯寄念云：『情誼相孚，真平等自無階級；甘苦與共，談自由須得商量。』今旣生子矣。兄遺書中所謂培孫者，是也。

（吾友陶行知君，常囑我記此事以付生活教育，卒卒未暇。吾嘗盛道黃君警頌婚禮之簡單得體，而陶君則稱某君與某女士結婚，費僅三元，驥聞之曰：『我們只費去二元五角哩！』蓋指梅由鎮江到上海車費也。）

幹之与父同生日今次孫又同於之二十三日其志慶

父子祖孫同日月

山川花鳥見精神

寫生於此定縣街又平山下





。 寗 孫 下 ， 薊 孫 左 。 孫 ， 膝 倚
君 女 外 其 華 男 外 其 也 同 者 右

壬申秋桂著二載付考付

情誼相孚真平等自無階級

考驥影梅

甘苦與共談自由須得商量

幹夫著年六二

墨遺夫幹



影攝之抱母月兩生孫培

齊生小於兄年凡八歲；爲兄體氣充實，面容豐潤而少鬚也。齊生反之，因是
人或誤我爲吾兄之兄，而兄亦直以禮兄之禮禮我——家事待我而決，子女輩
待我而教，雖遠在千萬里外，亦如之。齊生性固躁急，每每持論，聲色俱厲，不惟對
子姪然，卽對兄亦然，而兄不以爲忤。當困居北平時，人或進讒於兄，謂『有弟不
善爲兄謀，致兄窮乏若此，』兄不爲動也，而笑謝之。嗚呼！世有信弟如吾兄者乎？
十餘年來，齊生奔走南北，與兄相聚之日常少，兄以我體氣單弱爲念，輕易
發言爲憂，自或引嫌而以諫勸屬吾姊。齊生往在清末，醉心革命之說，瀕於危者
數數，而所辦學校，幾受其累；人以兄天性篤厚，遇事持重，其弟然，其兄未必然，學
校卒賴以安。嗚呼！『相反適以相成，』微吾兄之愛不及此！

生前一年間，畫成羅漢像五百尊，所以重知友嚴君仁珊之請——君爲達
德同事，吾兄任實業司長時僚屬，又卽吾兄弟畏友。兄十餘年來旅外生活所需，

大得君之助力——方自憲功德圓滿，不期竟成讖語。（以民國二十四年一月二十四日辭世，享年六十五歲。）病纔七日，原於中風，神識清澈，不稍昏亂；先時區畫，已至了了，臨終之際，不復更有言語；氣絕眼閉，有如熟睡者然。凡諸情形，詳自吾妻吾姊嗚呼！倘所謂來去分明者非耶？

弟 齊生

二十四年二月十七日於鎮江靈次。

附

錄



彭雨生先生遺像

師名先澤，字雨生。年十一，陷賊窟，三年脫身歸。晝工夜讀。既入學，補廩，教讀爲生。憶齊生兒時與兄從學，尙見偕蔡氏嫂朝暮灌園也。五年前，兄有壽序及七古三十六韻致祝賀，於師身世，具見崖略，今師屆八十，先兄數日捐館，道途修阻，奔赴爲難，用附錄兄著，藉表哀忱。

雨生師七十有二壽序（作於瀋陽）

黃祿貞

雨生師，予表兄也。小時聞吾母道兄幼年陷匪窟，復歸事，謂有奇行，有奇遇，險而能脫，後福未可量也。嘗奉爲異聞。兄至吾家，輒狂喜趨迎，浼兄爲說遇匪經過，兄唯唯，樂道之，則屏息傾耳，注目神爲之往。忽而悲，忽而恐，忽而憂，忽而懼，忽而大駭，忽而大奇，忽而大笑。蓋吾黔當咸同之間，苗匪倡亂，兄奉母及妹避亂鄉居，才十一齡耳；以食糧不足，隻身入城，尋父求助，中途遂爲匪擄。經歷險遠，屢遇官兵截擊，匪仍脅之以逃。更目覩諸苗匪虐殺慘狀，獨以一匪見愛獲免。陷匪二年餘，竟能自爲化裝潛逃以歸；情事險奇，演敘真切，不覺動魄驚心，爲之喜懼交乘，直若自罹其境也。吾母所謂後福，信於此時兆之矣。兄歸後，果能於家况艱窘之餘，且工且讀，以成其學。游泮水，食廩餼，貢成均，入仕版，歷重職，建勳業，二子顯達，諸孫競茂，抑何偉歟！貞從兄受業，始習帖括，越二年，獲雋。安郡僻在山陬，鮮聞時事，兄與法教士善，獲從購滬上所出益聞錄，匯報及聲光化電、天文地輿、代數等書，一經觀覽，從知帖括無用，決然舍去，盡取兄各新書研討之。兄亦不自靳惜，樂予陶鑄。逾年，遂以代數學受知督學嚴範孫師，選入經世學堂。受膏火，治經史時學等科，月復以

算學特課首選，迭受範師資獎。繼由主講算學館，以創辦達德學校；由大學教授，以留學日本；由忝長本省實業，以供職農部。處交通梗阻，鮮見寡聞之區，差得風氣之先，走入開明之路，以效用於省會與中央，再傳弟子，布在全國，皆兄數卷新書啓發之所致也。獨憾自身頻年蹉跎，忽焉周甲，志有未遂，只今浪迹湖山，溺情繪事，無以仰答裁成，并慰吾母在天之靈，愧恨爲何如耶！比得庶興兄書，本年端節爲兄七十晉三壽辰，令子鴻業駿業，徵言於親舊，侑觴爲慶，屬在及門，重以至親，不能無辭；惟家寄江南，遠游塞北，轉信已遲，未獲如期獻頌，意兄壽福無量，具有前徵，奉祝遲陳，諒不爲罪。他日者，道途稍靖，溯揚子還鄉，奉杖履於金鐘甲秀之間，再爲耄耄期頤之慶，詔諸孫於前，聽吾兄重述少年時故事，相與歡笑爲樂，在己學有古琴數操，寫得名山數幅，兄所應享，定有此日，可無疑也。寄此補祝，因以預慶，願晉一觴。

再壽兩生師二十六韻（作於臨安）

黃祿貞

遊越曾過八百山，登高一笑驚塵闌。蜿蜒氣勢接天目，削峯雄峻俯臨安。閉閔山下誰家宅？故老爭傳彭祖業。堯舜禹湯安在哉？封土至今遺惠澤。信耶非耶幾滄桑，君看錢氏盛此鄉。氏錢氏彭同錢始，源遠根深枝派長。我公自是仙眷屬，神明胄裔甯可辱？何物蚩尤肆機槍，黔國猶興蜂蠆毒。負米昔傳孝子心，至性洵可格天人。賊窟去來渾無那，氣銷曠很若爲親。骨肉相逢離亂後，無言有淚衣先透。自強不息法天行，一時否蹇甯足困？工讀先例自公開，隻手轉將幸運回。龍門高冠羣英首，泮水驚看七步才。金屋喜同金榜日，畫眉好趁生花筆；樂成人美吾親心，繼志未能慚菲質。堂構重興駟馬門，春風桃李燦芳園。不才自難承衣鉢，入時花樣求新翻。幾卷新書來滬瀆，儘先資我極貧腹。導將坦途入光明，通都學子共追逐。廩祿昔誇天上來，食餼終須不凡才。公福公壽祿應厚，食飽還貢入天階。輒發雲程九萬里，圖南鯤鵬自高舉。凌虛鬣鬣出山雲，起爲蒼生作霖雨。隨車甘澤播衡湘，遺愛在民思未央。河山還我成光復，松菊猶存歸故鄉。玉美終難久韞積，再起東山發蘊蓄。地不愛寶金石開，爲解糾紛絕外族。維時賤子適當衝，護持鑛權許協衷。涎垂

翻笑癡貪輩，廢公爲私亦計窮。避人且自看山去，我出漫遊公歸處。萬事已足子克家，含飴弄孫恣笑語。天教閒散樂餘年，杖國靈椿花更鮮。強兵富國兒輩事，扶杖閒看瀑布泉。我與湖山興未已，圖雲遙望空仰止。謹從楮墨奉俚歌，他日還期追杖履。

齊生謹案：『八百山』一名彭祖山，在浙江之臨安，吾兄時方經過，因以起興。中間『樂成人美』句，謂兩師游泮之先，已訂蔡氏婚，蔡氏家貧而女有賢名，吾父極言『急事好辦』，遂主張就慶賀游泮之日成婚，親友皆以吾父爲能樂成人美也。末『追杖履』句，兩師先吾兄前數日逝世，所謂追隨杖履，殆又若前定者焉。

紹懷表姪自黔來書述懷寄答

黃幹夫

蒼江秋雨夜，筑國雁書來；篆隸嘉君筆，交親動我哀。
幾家枯轍鮒，遍地螿人虺；烽火今猶亟，連宵徒夢回。

古稀延慶日，福算筮重增；九載神仍健，雙睛老更澂。
耆英稱最長，多幸序休徵；耄耋成真隱，望雲祝日昇。

兩生師

持法稱至公，鶴松見素風；時艱增品重，土淨悟心空。
高潔盟秋鶻，摧傷感塞鴻；料應占勿藥，起醉菊花中。

林庶輿姊丈甲戌八月廿七日寄詩未至，已作古。

避人甘遯世，偃武自修文；蓮社存諸老，詩壇冠一軍。

竹喧新茗熟，荷靜舊醅薰；座客尋常滿，厭聞城市紛。

彭公武親家（齊生案公武亦新逝世，兄作此詩時，萬不及料也。）

志述粉鄉史，端資藻雅賢；涪翁能孝友，叔度舊貞堅。

八邑宗都纂，一編信必傳；諸公勤訪古，阿阮亦殊緣。

家堯承弟現修
安順八屬通志

黔事咸同史，鴻篇綺練文；書廚羅百氏，筆陣走三軍。

未負十年讀，能疏千載紛；懲前應茲後，誰爲泯炎氛。

凌楊安門人曾著
貴州咸同軍事史

冊載育才地，辛勤賴後賢；建中增黌舍，繼往有忘年。

再振馬融帳，終揚祖遜鞭；河山沉黯甚，僮俛絕塵烟。

達德學校
同人

久曠先塋祭，浮生江上帆；夏山空白瀑，秋雨濕紅巖。

遊子悲風木，立身凜聖凡；細沙豐墓草，何日自耘芟。

安順夏家長山貴陽紅巖山靈安巖而細
沙皆有先塋在安順貴陽兩地者多賴親友護視

密雲橫大地，新省寄浮家；有國辟師尹，補天無女媧。

羣強矜戰鬥，自閱待分瓜；遺興三山寺，無言對菊花。

日五十二月十年九十國九 墓式巖紅



誌敬生齊

像墓式慈先為友親鄉故

殿後語

編述既竟，適老友周藹吾君過訪，談兄生平經過，亦悲涼，亦豪壯，君因口述一聯云：

天道無知，死亦是福；縱教黃土埋君，應呼雄鬼！

人心不古，生曾何益？特恐蒼穹厚我，永作勞人

君與我兄弟數十年交好，其嗣君輩，又皆自幼從游於我兄弟，遂不覺親切感歎若此。至所謂不古者，非『不陳舊』之謂，乃『不厚道』之謂，蓋君平昔亟歎先兄爲最厚道之人，而又一極富囂強性之人，故以『雄』字稱焉。

齊生 二四·二·二〇。

幹夫先生 千古

以教育造士，以實業圖強；前輩樹儀型，趨步昔曾親緒論；
是桑梓偉人，是黨國先進；哀音動京邑，愴懷遽慟失師資。

後學何玉書敬輓



上海图书馆藏书



A541 212 0012 0547B

~~61129~~